

ki nga raupatu o te tai Hauauru kia hoki hoki mai. Kua takoto nei i a koutou e hoa ma he tauira ma tatou, no reira kia ora tonu koutou. I te tau i heke ai a Peneti ki Rotorua ka haere tahi au. I to matou taenga ki reira ka whai korero matou. Oku hoa ko te Pihopa o Waiapu, me Peneti hoki. I puta taku kupu i reira.

“Ko koutou e te Arawa hei tauira mo nga iwi Maori o nga motu e rua nei no te mea ko Rotorua te hekenga mai o nga iwi o te ao. Ki te kino ta koutou mahi ka tau mai he ingoa kino ki te iwi Maori. Ki te pai ta koutou mahi ka pai katoa te ingoa o te iwi Maori.”

Inaianci kua mana tonu taku kupu. Ko koutou hei tauira mo tatou.

E te Atua tohungia a te Arawa.

—Na Huta Paaka.

NGA KORERO WHARE WANANGA ME NGA KARAIPITURE.

(Na Wiremu Te Moana, Rustoki.)

Na e tika ana hoki te iriiringa hei tangoatu i te tangata tawhito ki waho, kia uru mai ai te tangata hou, kiroti i te ngakau, he mea na te whanautanga i te wai, i te wairua hoki. Na reira ano tatou e hoki atu ai ki te rangi, e rite ana ki te tohinga ao tatou tupuna. Hoani 3: 5: “Kawhaka hokia mai e Ihu. He pono, he pono taku e mea atu nei kia koe, ki te kahore te tangata e whanau i te wai, i te wairua hoki, e kore ia e ahei te tomo ki roto ki te rangatiratanga o te Atua.” Na me waiho a Koroniria hei tauira kia tatou, kia mohio ai tatou e kore rawa tatou e tae atu ki reira, kite kore tatou e iriiria, ara e tohia ki te wai. Korerotia Nga Mahi a Nga Apotoro 10: 2, 6. Ina hoki ra, ahakoa tae atu ana ina inoinga me ana mahi atawhai kinga taringa o te Atua, kore rawa te Atua imea atu ki tana anahera: Haere, mea atu kia Koroniria, kua ora koe me tou whare katoa, engari i mea atu te anahera kia Koroniria, kia tona he tangata ki te tiki ia Pita mana e korero kia ia tana e mea ai kia ora ai ia; na ko ta Pita i korero ai kia ia hei meatanga mana ko te iriiringa, ara ko te tohinga ki te wai.

Tikanga tuawha o te Rongo-pai, ko te whakapakanga o nga ringaringa mo te hoatutanga o te Wairua Tapu. Ko te ahi tapu tenei i hoatu nei e o tatou tupuna ki te tangata e puta ana i roto iana mahi i roto i te Whare-wananga, ara, he Ahi Komau. Na te Rongo-pai i whakamarama kia tatou he aha tenei mea te Ahi Komau. Kei a Matiu 3: 11: “Koau nei he iriiri taku ia koutou ki te wai, hei mea ripenetatanga: ko tenei ia e haere mai ana imuri ia au, nui atu tona mana i toku. e kore au e tau hei mau i ona hu. Mana koutou e iriiri ki te Wairua Tapu, ki te kapura.” Na e kore te Atua e haere noa kaore he kapura i tetahi taha, i tetahi taha ona mete awa. Kamau hoki tena